

Minister Lampe:

Proyecto di expansion y renobacion di John F. Kennedy School ta un sueño cu a bira realidad



O R A N J E S T A D (AAN): Minister Rudy Lampe ta un di e ministernan cu a firma un acuerdo di huur, hunto cu minister di infraestructura. El a splica cu e proyecto di expansion y renobacion di John F. Kennedy School ta un sueño cu a bira realidad.

E mandatario a sigui splica cu prome cu eleccion caba, un miembro di su team a skirbi'e cu su sueño ta pa John F. Kennedy School, en berdad ta renoba y bira e centro di educacion di Aruba. Awo danki na e cambio di gobierno, hopi sueño ta birando realidad. E



minister a felicita henter e team di minister, bao di guia di prome minister, Evelyn Wever-Croes, kende a duna sosten pa realisa e sueño aki, cu no solamente lo tin un impacto positivo pa e desaroyo economico di nos pais, sino tambe ta bay yuda den eleva e calidad di nos enseñansa pa e siguiente motibo masha simpel mes.

Ora bo trece profesionalnan hunto den e mesun espacio, bo



ta bay promove cooperacion entre tur e mentenan briyante cu tin den un espacio.

E cooperacion aki cu ta haci asina hopi falta aki na Aruba, ta hopi necesario pa asina aki bo por produci ideanan nobo y asina mehora nos enseñansa. E minister ta convenci cu e proyecto aki ta bal la pena

haci un inversion extra, pa loke ta 'output di nos sistema di enseñansa ta hopi grandi. Hopi biaha no ta realisa cu na otro paisnan si nan a cuminsa realisa cu ta importante pa trece profesionalnan hunto den un espacio. Pasobra e ora ey bo ta bay tin e cooperacion necesario. Lo bay honra e peticion cu minister di infraestructura a haci pa inclui Parlamento Hubenil.

E minister a papia cu e desaroyador di e proyeto y tambe cu departamento di enseñansa pa tene cuenta tambe cun'e y e palabra a cay cu e minister ta hay'e asina importante cu uzo flexibel di espacio.

Inclusive ora cu mira tur e diferente MFAnan cu tin, diferente otro edificionan, scolnan cu ta renoba, ta para y ta uza cierto oranan y den otro oranan no ta uzanan. Pa un pais chikito manera nos cu poco recurso, tin cu haci un uzo maximo di tur nos edificionan nobo y renoba. Pesey en berdad ta pas den e vision aki tambe pa un uzo flexibel di espacio y entre otro Parlamento Hubenil por uza e espacio aki. Ta bay pidi cooperacion di tur cu ta bay ta eyan y mira cu ta propiedad di pueblo cu lo mester haci uzo maximo, na beneficio di nos comunidad.

Pesey un palabra di pabien na un y tur cu a coopera di un manera fabuloso pa por yega na e dia aki.

Tambe na pueblo di Aruba, cu lo bay ricibi e beneficiacion.